



Diehtu – mo ášši meannuduvvo viidásabbo

Finnmárkokomišuvnna 4. čielggadanguovllu Kárášjoga raporta boazodoalu siskkáldas riektediliid birra almmuhuvvui juovlamánu 1. beaivve 2022. Vuolábealde leat dieđut das ahte mo gažaldagat mat leat árvvoštallon raporttas meannuduvvojit viidásabbot. Geahča maiddái raportta 2.2 čuoggá.

1. Áššeovddideapmi meahcceduopmostullui

Finnmárkkuoimodat (FeFo) ii leat oasehas áššiin maid komišuvdna lea giedahallan boazodoalu siskkáldas riektediliid birra Kárášjogas. Dan dihtii ii gusto boazodoalu siskkáldas áššiid olis mearrádus ahte FeFo galgá Finnmarkolága § 34 vuosttaš lađđasa «*vuodohis áji haga*» buktit oavila komišuvnna konklusuvnnaide, ja cealkit leat go ovttaoavila konklusuvnnaide vai eai.

Mearrádus Finnmarkolága § 38 vuosttaš lađđasis dan birra ahte vuoigatvuođariiddut mat bohciidit manjá go komišuvdna lea čielggadan guovllu riektediliid sáhttet ovddiduvvot Finnmarkku meahcceduopmostullui, gal baicce gusto ollásit maiddái boazodoalloáššiin.

Áššeovddideapmi meahcceduopmostullui ferte dahkkot čálalaš stevdnema bokte manjimustá 18 mánu manjá go komišuvnna raporta lea almmuhuvvon, namalassii **manjimustá geassemánu 1. beaivve 2024**.

Stevdnen galgá leat vuolláičállon, ja galgá sisttisdoallat oasálačča olles nama ja čujuhusa, ja das galgá bohtit ovdan makkár gáibádusaid oasálaš ovddida ja makkár dilálašvuođat leat gáibádusaid vuodđun, maid oasálaš čuoččuha ja gean vuostá gáibádus lea ovddiduvvon.

Stevdnen sáddejuvvo: **Utmarksdomstolen for Finnmark**, Postboks 2613, 9273 Tromsø. Eambbo dieđuid oaččut Finnmarkku meahcceduopmostuolu neahttasiidduin:
<https://www.domstol.no/nn/domstoler/annen/utmarksdomstolen-for-finnmark/>

2. Molssaevttolaš rievttálaš meannudeapmi

Vuolggasadjin lea ahte meahcceduopmostuolus lea eksklusiiva gelbbolašvuohta áššiin maid meannuda. Áššit main 18 mánu áššečuoččáldahttináigemearri lea dievvan, sáhttet ovddiduvvot almmolaš duopmostuoluid ovdii riidolága geassemánu 17. beaivve 2005 nr. 90 mielde. 4. čielggadanguovllu Kárášjoga dáfus dat mearkkaša Sis- ja Nuorta-Finnmarkku diggegoddái, vrd. riidolága § 4-5 vuosttaš lađđasa.

Jus ášši lea ovddiduvvon meahcceduopmostullui ovdal go 18 mánu áigemearri lea dievvan, de ii sáhte šat ášši manjá ovddidit almmolaš duopmostuoluid ovdii. Dilálašvuođain main meahcceduopmostuollu lea hilgon ášši Finnmarkolága § 39 vuodul dan dihtii go ii ane ášši heivvolažžan meannudit, sáhtta ášši dábálaš láhkai ovddidit almmolaš duopmostuoluid ovdii.

3. Soabaheapmi

Molssaeaktun áššečuoččáldahttimii addá Finnmarkolága § 35 vejolašvuođa oasálaččaide geat «*eai leat ovttaoaivilis komišuvnna konklusuvnnain, dahje geat dárbbášit veahki oažžut konklusuvnnaid nannejuvvot geatnegahtti šiehtadussan*», bivdit komišuvnna soabahit.

Áššečuoččáldahttin ii gáibit ahte áššeosálaččat álggos leat iskan soabahit. Komišuvnna soabahangeatnegasvuohta luohpá go áigemearri ovddidit ášši meahcceduopmostullui dievvá. Dat mearkkaša 18 mánu maŋŋá go guovllu raporta lea almmuhuvvon, vrd. Finnmarkolága § 38.

Eambbo dieđut

Jus mii ge lea eahpečielggas, váldde áinnas oktavuoda **Finnmarkokomišuvnna čállingottiin**, Pb. 24, 9846 Deatnu, tlf. 78 92 64 40, e-poasta: finnmarkskommisjonen@domstol.no

Eambbo dieđuid **Finnmarkokomišuvnna** birra gávnnat dás: www.finnmarkskommisjonen.no